

٧ - ٥ مسلمان الفارسي ! لقاءات التهجد - الشيخ محمد خيري

محمد خيري

السلام عليكم ورحمة الله وبركاته الحمد لله رب العالمين له الحمد الحسن والصلوة والجميل واشهد ان لا اله الا الله وحده لا شريك له
واشهد ان محمدا عبده ورسوله. وبعد - 00:00:00

فكتنا تكلمنا عن اه الهم الاخروي. وان الانسان لابد ان يكون دائمًا مهموم باخرته وقلنا ان شاء الله باذن الله هيكون لنا يعني اشبه
بشعارات وتدارس مع صورة تعيننا على هذا - 00:00:18

الباب ان شاء الله. واتكلمنا في حديث رسول الله صلى الله عليه وسلم من كانت الاخرة همه وقد ايه الهم الاخروي ب يجعل الدنيا
تأتيك رغم اعني. وقلنا ان الحياة الطيبة فقط المعادلة بتاعتتها - 00:00:44

من عمل صالحًا من ذكر او انتى وهو مؤمن. فلنحيينه حياة طيبة. فالحياة الطيبة دي المعادلة بتاعتتها. وقلنا النهارده ان الحياة الطيبة
دي اللي عاوز يبدأ فيها لابد ان يكون له اتعامل مع بيت الله سبحانه وتعالى ان الاصل في المسجد ان هو ده بيته. ده مكان راحته -
00:01:02

ولما بيخرج منه كانه مستأنز كانه خارج من بيته رايح الشغل خارج من بيته قاعد ومع اولاده وزوجته. ده الاصل لو اتعاملت كده
هيفرق معك كتير. هيفرق معك في ايه؟ اول حاجة هتفرق معك انك هتهتم بيتك. ده - 00:01:29
هتهتم به. فهتلاقي نفسك دايما تتعامل معه ان المسجد ده دخلت المسجد ما لقيتش محفز قرآن. فتببدأ تتكلم مع مين مع الامام تقول
له ليه حضرتك ما بتحفظش قرآن؟ هو ممكن حضرتك تحفظ قرآن من الساعة كذا للساعة كذا ممكن حضرتك تيجي يومين في
الاسبوع - 00:01:49

انا واولادي. طيب هو ليه ما فييش اخت ممكن تحفظ مش عارف ايه. هو ليه السجاد مش آآ بيتكنس؟ هو ليه له كزا له كزا. ليه
الصوتيات بتصرف؟ ليه المراوح مش شغالة؟ ليه التكييف مش عارف ايه؟ هتلاقي نفسك - 00:02:09
بتتعامل مع ايه؟ بيتك. لكن اما بيكونش بيتك تتعامل معه ازاي؟ وانا ما لي فانت بتقول وانا مالي وده بيقول وانا مالي وده
وانا مالي كلنا بنقول وانا مالي فيي الآخر مين هيكون ماله؟ شيخ الجامع فكتنا نتكلم على شيخ الجامع - 00:02:29
اتكلم على الحمام هنتكلم على السجاد هنتكلم على كزا هو ده بيست مين؟ بيت الامام بتاع الجامع صح بيقى امال ده
بيت مين؟ بيت ربنا بيقى كلكم لكم فيه - 00:02:50

وعلى حسب اهتمامك وانتمائك لله هيكون انتمائك لبيت الله. بس المسجد اللي تحت البيت مش بيساعدونا هتلاقي المسجد اللي
جنب البيت الثاني هتلاقيه بيساعدوك. فيه كل واحد مننا هيللاقي فيه محيطه هيللاقي فيه مساجد. فانت لو اتعاملت ان
المسجد ده ان هو - 00:03:05

هو لك فيه بيتك هتلاقي نفسك لوحدك تهتم به. مش كلكم حاسين في كل حي ان في ناس فعلا ان للمساجد اوتاد وموتااته تلاقي كده
في ناس كده عاملة زي العمود. راجل مقيم شعار تلاقي الحاج فلان طلع على المعاش ايه يروح يأزن صح؟ تلاقوه؟ ولا دى عندي انا
00:03:25

في الحي بتاعي كلكم عندكم كده صح؟ هو انت لازم تطلع على المعاش عشان تبدأ تدخل المسجد؟ وتقول بقى خلاص طلعت على
المعاش اوبا ده فيه اخرة ليه؟ لأن اللي بيطلعوا على المعاش دول خاصة بيبيقوا شغالين شغل حكومي ربنا يعينهم ويسددهم ويرزقهم
00:03:45
ال توفيق. الجماعة دول بيكون سلم حياته كلها لوظيفة واحدة -

هو ما بيعرفش الا ان يعمل الحاجة دي. فاول ما بيطلع المعاش يلاقي ايه؟ ما فيش. فايه اللي يصفى؟ فتلaci الحاجة كل شوية بقول لك ايه يا حاج ما تنزل كده المسجد كده وتمسك انت الامامة ولا تمسك المؤذنة ما تشووف لك اي حاجة كده تشغلك. ليه؟ لان هو بدأ ياخد باله من حاجات - 00:04:07

عمره ما شافها. هو السلك ده ليه نازل كده؟ هي المروحة دي له مش عارف كذا. هو مين اللي تنى السجادة دي؟ هو الولد ده بيتأخر ليه؟ طب والله كوييس هو طول عمره بيتآخر يا حاج - 00:04:27

طول عمري كنت بقول لك ايه الحيوانات المتأخر كل يوم؟ ما كنتش مهمتم بنا. هو بدأ ايه؟ خلاص. فبدأ يبقى عبه ان هو كان طول حياته همه ايه؟ شوف عاوز تعرف همك اللي بتحط فيه مالك وبتحط فيه دماغك - 00:04:37

هو ده همك في واحد عنده عربية باتنين مليون قولوا ما شاء الله تحس ان ما شاء الله مش طالعة قولوا يا عم ما شاء الله يا عم الله هو في تعويده كده يا جماعة ما تشووف حاجة قل اللهم بارك - 00:04:58

لها ناس اما تسمع صوت الامام وتحس ان الصوت كوييس قل ما شاء الله اللهم بارك. ليه؟ حتى لا تؤزي اخاك. وانت لا تدرى. المهم تخيل على فكرة هو ده تخيل عشان بس ايه يعني ما - 00:05:14

مش لحد. لو فيه واحد عنده عربية اتنين مليون والراجل ده ابنه في يوم من الايام عمل ايه؟ خد مسمار كده وجراحتها. وهو بيلعب الجرح ده بيكون عند الرجل عبارة عن ايه؟ لو يقول له لو كنت خدتك قطر وعملته على رجلي كان ايسر.انا مرة كان فيه واحد من الشباب اشتري - 00:05:28

طب كان لسة نازل. فيبيقول لي والله جيت اقعد كنا مسافرين. فجهه يقعد في المطار فيقول لما جيت اقعد انا سمعت ان فيه طقة قلت يا رب يكون ضهرى مش في اللي في بالى - 00:05:51

فهو قلقان ان يكون اللي في باله ايه اللي في باله موبايل سبحان الله! هو الشخص ده هو كان شاف ابنه كده. يعني يا ريته يكون كان جرح رجله وما جرحت العربية. المهم جه في - 00:06:05

واحد وهو بقى قاعد مهموم ومتضايق وبتاع جه واحد اشتري العربية بصق كده قال له بس ما خدوش قال له لأ انا هبيعها كده وهي كده وبتاع المهم الرجل رضي باتنين مليون - 00:06:21

فخد المتبين دول وبيع العربية. بعد اربع خمس تيام بيبص كده في الاخبار وبتاع لقى عربية عاملة حادسة نفس العربية بتاعته كل حاجة اعجبه الرجل الحمد لله طلع سليم. بس العربية بقت ايه؟ علبة كبريت - 00:06:34

فيبيجي يقول للحاجة شفي سبحان الله! تخيلي! ايه اللي حصل تقول له ايه! يلا مش طالع سليم الحمد لله ليه هو ما حصلوش اي حاجة؟ لان بقى قلبه وعقله فين؟ في الخزنة. خلاص هو مسک الحاجة. كان امبراح فين؟ في الحديدية دي - 00:06:53
 فهو على حسب وقتك عاوز تعرف يعني همك شف مالك انت حاطه فين. وقلبك حاطه فين وبالتالي وقتك هتلaci عشان كده ما قلت لكم لن تناولوا البر. من ضمن مؤشرات الوقت. شوفوا الصحابة طالعين من الهجرة. يدوهم احنا هاجرنا بقى وخلاص ونقدر يلا في - 00:07:11

خلص بدر يلا في احد. احد دي لسه خلصانة من تمن ساعات في حمراء الاسد. بنريح حتى نمدد شوية وبتاع لا حمراء الاسد. يلا نطلع يخلصوا دي يخشوا في دي يخلصوا دي يخشوا في دي على طول في بسمة كان في واحد حدث فيه مقال لكن الفكرة صحيحة - 00:07:34

ان بشير ده اتنى للنبي صلى الله عليه وسلم ليبايعه على الاسلام. فالنبي قال له الاسلام ان تشهد ان لا الله الا الله الحديث المشهور وان تجاهد في سبيل الله. فقال بشير قالوا يا رسول الله ابايعك الا اتنين. في اتنين بس مش هعرف اشتغل عليهم. ايه هم؟ الاولى - 00:07:54

الزكاة. قال له انا عندي عشر ابل بس مش هطلع منهم. دول بتوعي مشيش. واما الجهاد فلا ادخلك فانكم تقولون من فر فقد باع بغضب من الله. ما انت بتقولوا ايه؟ اللي هيدخل - 00:08:13

يا رب هيبقو مشكلتك. فهو ده الايه؟ اللي قاله. زي ما كان في واحد يهودي. وكان مدمن خمر كان جار احد التابعين فكان دايما كان اسمه آآ ابو حمزة السكري. فكان دايما يقول له ايه ما اجمل دينكم الا انه يحرم الخمر؟ قل له دينكم ده حاجة جميلة او ي بس هو مش - 00:08:33

تحريم الخمر. قال له ادخل هذا الدين وان اردت ان تشرب فاشرب. ادخل وعاوز تشرب ابقى اشرب فنطق الشاب قالوا ان شربت جلدناك وان ارتدت قتلناك قال له هتشرب عادي براحتك بس هنتحاسب - 00:08:57

ولو رجعت لأدخول الاسلام مش زي خروجه فهو الراجل ده من الاول قال له لأ اصل الجهاد اللي هيفر هيحصد له كزا وكزا وكزا فقال النبي يا بشير بما تدخل الجنة اذا؟ فلا بلا صدقة ولا جهاد فيما تدخل الجنة ازا؟ هتخش الجنة ازاي - 00:09:21

فانت انت فاكر انك هتدخل الجنة وما فيش مجاهدة هتبزل تعالوا بقى نشوف النهاردة قصة واحد صحابي كان له هم واضح جدا الهم ده هو طب حديث رسول الله صلى الله عليه وسلم. من جعل الآخرة همه. هنشوف ده عن محط الآخرة بزل قد ايه؟ والدنيا -

00:09:41

هي جت وراءها الدين وانا قلت لكم المسلح مش تنزلوه. قلت له هتبص للشمس ظلك هيكون في ضهرك. الظل ده اعتبره هو رزقك والدنيا والشمس له الآخرة لو مشيت هتللاقي ايه ؟ انته الدنيا وهي راغمة رغم انفها هتيجي - 00:10:05

في يوم من الايام كان في صحابي هو شاب صغير انذاك وكان شغال مع والده في مكان بعيد قوي عندنا مكان ده في ايران في ايران. وكان مجوس بيبعد النار. الصحابي ده اللي كان بيبعد النار ده هو سلمان الفارسي - 00:10:28

ووالده كان غني جدا ووالده كان على سلطة دينية في المكان. النار عندهم هو اللي عنده المعبد. وكل شوية يولع النار والكلام ده كله هو قاعد الراجل ده اعلى واحد وهو عمدة البلد. يعني اعلى منصب ديني ودنيوي عندهم. في يوم من الايام هو قال لابنه يا ابني -

00:10:51

انا عندي الضایعه دي زي المزرعة والكلام ده كله. قال له انت رح النهاردة انا مش هقدر كان هو مشغول ببولة. وقال له انت رح النهاردة شف الايه الموضوع ده - 00:11:18

انا مش هقدر ايه اروح. وابنه كان هو دايما ما بحسسه في البيت ما بيخرجوش. بيحافز عليه والكلام ده كله. انت عارفين كده احيانا التعلق ازا زاد عن حدده او الحكم ازا زاد عن حدده انقلب الى ضده ولابد. طب تكون مبسوط ان ابنك ما شاء الله قاعد في البيت ولازق لك وكده - 00:11:28

بعد فترة كده من عشر سنين وانت طالع هيبقى مرض مؤزي جدا اي تعلق يزيد عن الحد لازم ينقلب الى الضد. وتلاقوه بقى بين الازواج جه الموضوع ده موجود ام مش عاوزة بتتها تتجوز. وممكن اب يكون عنده حاجة زي كده. فقاعد بيرفض عرسان كتير بالحجج الوهية دي. وده السبب الخفي - 00:11:48

المهم هو كان متعلق جدا بوالده. ووالده متعلق جدا به. وده دايما ما بيخرجوش برة البيت. بس خلاص النهاردة الضایعه بقى ازا تكلم المال سكت كل قيمة فطلع الولد وقال له رح بباتع وهو ماشي - 00:12:17

وفي يوم من الايام وهو رايح الضایعه دي لقى ايه لقى الكنيسة دين تاني دين النصارى وبالنسبة له دين مختلف. فسمع الناس قاعدة بتصلی وحركات بالنسبة له جديدة فسرح وعجبه جدا الدين ده. وده انه واقف مادهوش ومندهش وبباتع. لغاية ما -

00:12:32

طلع ايه؟ غربت الشمس. فنزل ضایعه وراح لوالده. قال له انت ايه اللي اخرك؟ ورحت ضایع ولا لأ؟ قال له انا ما رحتش الضایعه واللي واحد اتنين ثلاثة ولقد وجدت دينا اجمل من ديننا - 00:12:57

فوالده قال له ايه ؟ قال له ليس هناك دين اجمل من ديننا. انت ايه اللي حصل لك؟ انت في حد لعب في دماغك انت شكلك اعتكت خلاص فهو قال له انت يا ابني ايه اللي حصل لك؟ قال له ما فيش انا رحت وشفت كزا وشفت الناس دي واراه ان هو دين -

00:13:13

من ديننا وده بقى سبحان الله نور الفطرة. هو كان دور سلمان ووالده ان النار بتاعتهم لا تخدم ابدا. كلها النار تيجي تبع يرمي فيها. ليه؟ لأنها ايه تشتعل. هو عاوز دايما ان الباطل يكون ايه؟ له بريق. لأن لو انطفى طب فيه واحد عاوز يدعى - 00:13:33

الهي يروح يلاقي الله لا والله نايمين. تعال بكرة. طب انا متسبيت دلو قتي عندي مشكلة. عشان كده سيدنا ابراهيم قال ايه؟ لا احب ليه؟ اه افرض سيدنا ابراهيم بالليل في حد سبته. افرض هو عاوز دعاء تعب بالليل عاوز يدعى يقول لأ الصبح بقى. الصبح اما

الشمس تطلع بقى - 00:13:56

طب لو اتنزق بالليل وبتاع وعياله عاملين له مشكلة وعاوز يدعى. ما فيش. طب لو عاوز يدعى في النهار وفي مشكلة في الايه؟ في اكل العيش وبتاع يقول له ارزقني - 00:14:16

الولاء ده بالليل دي ده لسه لما جن عليه الليل. فقال لهم لأننا محتاج الله ما يأفي. ما يغبش عنه. فهو كان دورهم يعملوا ايه؟ يحاولوا بقدر الامكان ان النار دي لا تخدم ابدا. بس هو جواه نار وجواه حاجة قاعدة كل شوية مع - 00:14:26

كل ما بيرمي النار هي بتتشتعل جوة. هو حاسس ان الموضوع ده هنباكر. يعني يولع نار طفي النار. هو على النار يا سماح حاضر بنفح اهو فایه الحياة؟ ايه النار دي؟ فلما شاف بقى ان فيه تراينم وفيه كلام وبتاع. قال لك الكلام ده بيجي منه - 00:14:48

وبالفعل ووالده عمل ايه المفترض يقول له يا ابني طيب بص تعال لتناقش بالدماغ والعقل وبالحكمة وبتاع والكلام ده قال له لا حكمة ولا بتاع. فين السلسلة يا حاجة؟ وراح رابط سلمان في البيت - 00:15:06

كده هو كده وهو ده الوضع. وطاعة بقى بروبر الوالدين وبر المجنوس والكلام ده. طبعا سلمان الفارسي عمل ايه وصل رسالة للجماعة دول. هو كان سأله قال لهم اصل الدين ده فين؟ قالوا له الشام - 00:15:23

فقال لهم طب اما يجي حد من عندكم رايح الشام قولوا لي. طب انت هتعمل ايه؟ مش شغلك بقى ده هو عارف القصة كلها. وهو عارف بقى الجماعة هو بيبقى ايه سايب ايده كده ايه بيعاسب بس القيد بتاع وهو عارف ان هو يقدر يخلع. فهو سلمان الفارسي جا له خبر ان الناس ديت - 00:15:40

في وفد فعلا ومامشي. انا بحكي القصة وبعدين هطلع لك عشر تحديات سلمان الفارسي ما واحد من العشرة الا وهتلاري على الاقل خمسة منهم بيواجهوك. وهنشوف سلمان صاحب الهم عداهم ازاى وحطيطك في ايه؟ قارن - 00:16:00

قالوا ان الناس دي وقالوا له ان فعلا فيه ناس رايحين لو انت ايه بتاع قال لهم اول ما بييجوا يطلعوا قولوا لي طبعا هو ابن غنى. وعنه بقى متعنته. طبعا الاجوس ما فيش حاجة اسمها حرام. كله مستحب - 00:16:21
خلاص؟ كله فعل الاصل فيه الاباحة مباح يعني. فهو هيسيب كل المتعة دي. هيسيب الحاجات دي وفعلا اول ما يسافروا خلعوا لان هو عنده ان دينه رقم واحد. عنده انه يلاقي اجوبة للاسئلة اللي جواها. انا اتخليت ليه؟ ورايح فين؟ واللي خلقني محتاج مني ايه؟ وليه - 00:16:39 -

انا عاوز الاسئلة دي حد يجاوبني عليها. فاي حد هيحجبني عن الاجابة دي انا هسيبيه وعدى. ما فيش حد غالبي علي ان انا اخش النار عشان جمال عيونه. لأن ما فيش حد هيدخل قطره معى. صح؟ وما فيش حد في يوم من الايام انت عارفين بعض الناس يقول لك ايه يا عم انا بافتيك خلاص - 00:17:02

وانا اللي اشيلها. انا خلاص يعني عديت؟ لأن طبعا. لأن بعض الاباء والامهات يقولوا كده لعيالنا انا باقول لك اهو. خلاص ما تصليش خلاص وانا اللي اتحاسب. ما تصومش وانا اللي هتحاسب. وانت فاكر يعني انك اما تقول كده. ما خلاص هتنجو يوم القيمة؟ لأن - 00:17:22

سلمان هرب معهم. وراح تخيل بقى شاب زي ده. طب انت هتسكن عند مين يا سلمان؟ ما اعرفش طب هتاكل منين؟ ما اعرفش طب هتكلم حياتك ازاى؟ ما اعرفش بس اللي احنا هنعرفه من قصة سلمان ان الصادق في البحس عن الحق - 00:17:42

لابد ان يوقف وكل امور الدنيا هتنزبط شوفوا يا جماعة ما احد اراد الاخرة بصدق متبعد للنبي صلى الله عليه وسلم الا وجاءته الدنيا ترقص امامه وشوفوا بقى تاريخ كل الصالحين يكفي بس يدرس الصحابة والتابعين. شف كده قصتهم كده شف حياتهم. لما ارادوا -

وصدق الدنيا. الدنيا اللي هي انهين ؟ مش الدنيا اللي في زهنك. الدنيا هي الحياة الطيبة. تقول ايه ؟ طب انا اعرف بقى واحد وليد الدنيا بصدق خلاص ونفسه في عربية ما عندوش ونفسه في كزا ما هي دي ده تفسيرك انت للحياة الطيبة. لا مش هي دي الحياة الطيبة. واسأل اللي عنده عربيات واسأل اللي عنده - 00:18:34

ولاده اللي عنده ماديات وعنه كزا وقادع مخنوقي وعنه واكتئابات سلمان الفارسي سافر معه. راح لمين ؟ لكبيرهم في الشام فسألوا
كع قال له انا عندي استعداد عشان اتعلم منك اشتغل اي حاجة. قال له تبقى خادم عندنا في الكنيسة. قال له اه مش ممكن. اشتغل
خدم - 00:18:54

بس اهم حاجة اعرفني اعرف الحق. واعرف الصح فين. مش تفرق معي انا هيكون وضعي الاجتماعي ايه. انا يفرق معي ان انا اريح
الضيق اللي في صدري جوايا ده ان انا احترم دماغي. اللي ربنا اداها لي دي وقال لي فكر صح. سلمان الفارسي بدأ يشتغل - 00:19:17

مع لاحز ان الرجال ده عنده علم. فعلا ده هو كبيرهم. بس فيه مشكلة كمان عند الرجال ده ان هو ايه ؟ لص يأمرهم بالصدقات عشان
ينفق على الفقراء. وفي الآخر خالص ياخذ ايه ؟ الصدقات ديت ايه ويعينها. عشان كده احنا ما بنعملش تبرعات. عشان مش فاتحين
الباب - 00:19:37

ليه تيجي تقول والله العزيم انا ملاحز ان الشيخ بيطول عشان له نسبة. بيكون هتخشن على الساعة ثلاثة هو نسبته بتزيد مشكلة
الافكار دي بعيد ان هي عطنة مشكلة الافكار دي انها تقابلها عند الصراط ما لهاش حل - 00:19:58
انك تفاجئ بقى يوم القيمة انك تلقي اصحاب الایه الحاجات الزنون دي بقى اللي انت زنيت بهم يقفوا لك عند الصراط ويقولوا بقى
يا رب سل هذا لما ظن فينا هذا - 00:20:15

وتبدأ بقى فك الاشكال فسلمان الاحزان الرجال ده فالرجال ده مات لسه بقى هي عملوا له بقى الایه الليلة والعزا وبتاع قال لهم استنوا
استنوا الرجال ده كان حرامي تاء ازاي وده الشيخ اللي كان بيغفر لنا وده كان الكبير بتاعنا وبتاع قال له تعالوا تعالوا روحوا وريهم
ايه ؟ سبع قلال دهب وفضة - 00:20:25

سبعين كل جرة قد كده ومليانة. قالوا يا ابن كزا وبتاع ولا عملوا عزا ورفضوا يدفعوه وبعدين عينه واحد بعده كان من اصلاح الناس. هو
سلمان بيقول كده. عارفين قصة انا بحكيها لكم دي - 00:20:50

عجبك جدا النبي وقال لي سمني استنى وجمع اصحابه قال له احكيها لهم فانت ايه ؟ يعني القصة دي ان شاء الله تبقى في يوم من
الايات على الاريكة كده وتسمعها منه - 00:21:08

على سرر المتقابلين فسلمان بيقول ايه ورحت للراجل جه الرجال الثاني ده كان جميل جدا اتعلمت منه علم وعمل وحال جه اما
يموت قلت له استنى انت رايح فين قل لي مين - 00:21:22

اللي على مسل ما انت عليه. قال له ما فيش حد على وجه الارض انا اعرفه بالنضافة دي وعلى المنهج صح الا واحد بس بعيد عننا
فيين يا حاج ؟ قال له في الموصل. انت تعرف ان الشام بينها وبين الموصل قد ايه ؟ زي من هنا والايده ؟ والوضع كده. صح ؟ لا يا جماعة
- 00:21:35

الناس دي كانت ممكن تاخد المسافة عارف يقول لك ايه يقول لك الحمد لله انا والدي راح يحج. ادعوا له يرجع بالسلامة. سافر امتي
عشان يحج سافر عشان يحج في ربيع الاول. واخدتها مشي بقى - 00:21:55

يجي لهم فيين ؟ على دخلتي كده ايه ؟ سفر يقول لك الحمد لله ازيك يا حاج انت النهاردة ممكن تطلع يوم تمانية يوم حداشر تيجي هنا
فهم كان ايه ؟ فطلع من الشام عليه - 00:22:13

انت ابن منت كنت قاعد مع العمدة والدنيا رايقة والدنيا حلال وكله وجميل ومتع الدنيا كلها. ايه اللي يورطك التوريطة دي هو زى ما
كان في ضرب يولعها في نار في قلبها. هو لازم يطفئها. النار دي وهو عارف ان الحياة دي مش هيئفع يكمel فيها بالطريقة دي -

سلمان الفارسي سافر الموصل. راح برضه اتعلم على ايد واحد وكان راجل فعلا زي ما هو. جه يموت الراجل ده قال له استنى. تتصحنى اروح فين المصيبيين في تركيا. قال له في واحد هناك برضه كده. يلا من العراق لتركيا ده ما فيش عشر دقايق. وراح واحد المشوار بيتعامد يا جماعة - 00:22:51

ال حاجات دي قارات بينتقل من قارة لقارة ومن دولة لدولة مشيا على الاقدام شوف بقى انت لو دخلت جوة كده عملت زوم في في الرحالة دي ده كان ماشي في صحرا. بقى فيه كلب يهوهو فيه اسد يجري عليه. يقول لك والله تقريبا فيه جن - 00:23:11
هناك اهو فيه مش عارف ايه لا لا خلاص القصص دي عشان كده طلعوا رجاله من زمن. النهاردة تلاقيه مسلا عنده ايه ستاشر سنة مسلا مسلا خلاص وهو وكان ما ينزلش يصلي الفجر ليه - 00:23:29

مامته تقول انا بخاف عليه فانا قلت لها طيب حضرتك انسىبي معி طيب. طالما انت بتخافي عليه او لا كده. قالت لي لأ ياشيخ خف اتحط رعي انا وهو فالله المستعان - 00:23:42

في حين ان هو بينزل عادي جدا للمدرسة لوحده. ليه؟ بل تؤثرون الحياة الدب بس. هو الموضوع هنا. ده اصل المرض. قصص دي كلها عرض لكن الحقيقة احنا في الدنيا لأ عادي جدا. فسافر على تركيا. ب Russo الرجال خلاص هيموت - 00:23:57
طبعا بقى هيموت بقى ما بيروحش شهر الرجال يطلع في الروح. سنوات يقعد معه ويتعلم. وبشتغل ايه؟ خادم. وضحى بكل حاجة. ليه؟ عشان تعرف في الآخر خالص هو بقى ايه؟ سلمان يسافر تركيا، وبعددين الرجل يموت يقول له بص ما فيش حد تاني الا واحد في عمورية. فوق - 00:24:17

في الروم يطلع هناك. الرجال برضه في الآخر اما جه يموت قال له اروح فين؟ قال له ما فيش حد على وجه الارض خلاص كان فيه وخلاص انا اخر واحد اعرفه النجم اللي قدامك. لكن فيه واحد تاني جاي مين بقى هو ده؟ اه - 00:24:37
قال له بقى خلاص يوشك خلاص قرب جدا انه هيخرجنبي ووصف النبي ده تلات حاجات وهيقعد فين وهيخرج فين قال له وصفه ان هو يأخذ الهدية ولا يأكل الصدقة وبين ايه؟ كتفيه خاتم النبوة - 00:24:56

تلات علامات وهو عنده كان رزق ايه؟ هو بيقول رزقته ايه؟ في التجارة بقرات وغنيمات. بقى عندي شوية بقر كده شوية غنم وقع ان الدنيا ايه برضه ايه بدأ يسترزق وهو شغال معه ليه؟ يعني انت وانت وشغال في الصوتيات ولا شغال فيعني ممكن تطلع بردو بحسنة كده ولا بثاع ولا ممكنا - 00:25:15

ترزق زوجة ولا اي حاجة تلاقي سبحانه الله اللي يعمل لدين الله يأتيه بس اهم حاجة يعمل لدين الله على منهج رسول الله اللي هيرزق الاثنين دول لابد ان يعني الحياة الطيبة تطرق بايه قلبه شاء منه. نعود فهو قال - 00:25:35
بعد ما هو مات بدأت اسأل هو المكان اللي قاله لي في العرب. قلت اي حد رايج ناحية العرب انا هاركب معه. وفي ناس قافلة كانت رايحة العرب. قال لهم ايه؟ باقول لهم ايه يا جماعة هيداهم عرض. ما حدش ينفع بقى يقول لهم ممكن امشي معكم؟ يلا يا حبيبي النبي - 00:26:00

قال لهم ايه؟ اعطيكم بقراتي وغنيماتي على ان تحملوني الى العرب. تاخدوني معكم قالوا له اه وساب غنيمات وساب ماله ضحي بايه باللي معه مش اول تضحية هو قاعد عمال يضحي طول الطريق وضحى بالفلوس دي - 00:26:21
يدويمون وهم ماشيبيين عملوا فيه عملة عاملة صعبة جدا اي واحد مكانا يروح عامل ايه؟ دا لو هو ايمانه عالية ويروح ساجد سجدة ويعيط ويقول له يا رب انا عملت اللي علي. لا ما انا مش هادن انا رايج جاي من - 00:26:43

اذ اردت ان تهديني فاهديني. انا مش همشي تاني في السكة دي. رحت جامع صليت تراويح رجلي اتنفتحت قالوا ده هم بس تمن ركعات. خدونا تمانية الصبح حداشر بالليل ووتر وبثاع والفجر وفيه واحد قال لك اقفل الباب وبدأ يدي درس وبثاع وفي الآخر برضه الموضوع لسه مغلق لا - 00:27:00

الصادق ما بيفكرش في الحاجات دي كلها. ليه؟ زي الصادق في الترقية. وزي الصادق اللي مش عاوز يسيب الشغل قبل الايه؟ ما

يوصل المعاش وسيدنا المكافح. تلاقي المدير يشد وبتاع يقول لك معلش يجي يقولوا لي زوجته اذا لا انا مش قادر ولا يقول لي الواد يقول له يا ابني. هتروح فين؟ معلش هي الدنيا كده - 00:27:22

طب والاخرة؟ طب لأ. زي القصة المشهورة اللي كان اسمه مجرم. هو اسمه كده. فدخل يصلي وابو مرة يصلي بقى سؤال فلان ادخل اصلي ونجرب الصلاة دي. فلقى الدنيا زحمة كده وبدأ يحبها عاوز بقى يمشي يشعشع ورا الامام. وقعد يعدي يعدي يعدي يروح واقف هنا - 00:27:42

في اول الصف. والامام بقى مسترسل في المرسلات. فسمعت الم نهلك ؟ الاولين. فقال يا رب يعني الصف الاول ده رايح فقال لك لأ انا ارجع وراء. فراح راجع ورا. فالامام هيكمي يقول ايه ؟ اه سم نبههم الاخرين. قال لأ بقى فراح واقف في الوسط قال ايه - 00:28:02

كذلك نفعل قال والله ما ننم صبري هي القصة دي السلف كانوا بيحكوها بس هي فايدة مهمة جدا. ان احيانا بتتلن ابتلاء حتى يعلم الله انك جاي مهما هيحصل جاي بقى وجاي بقى ورمضان والعشرة وقرأت ان السلف يقولوا انك تحب تلبس لبس كوييس وتتعطر وجایب الصندل بتاع - 00:28:25

الرؤية الشرعية وجاي به وبتاع وداخل المسجد وحطه بقى فين عادي بقى احنا قاعد مع ملائكة ويخرج ما يلاقيش الصمددة ده بيقول كلکم يبکی فمن اخز صنللة ما هو كلکم قاعدين تعبيطوا والخشوع طب مین اللي خد الصندل - 00:28:52

فاحيانا يقدر عليك الله سبحانه وتعالى بلاء يعني في اخ مرة دخل المسجد وكان لابس ايه حزاء بريعيمت جنيه. فقال لي والله العزيم كانت تاني لبسة لي المسجد. وكان بيقول لي ايه انا توبتك كانت لسه وش - 00:29:14

يعني ايه السماع ايه كتش التوبة. فبيقول دخلت طلعت ما لقيتوش باقول بقى قاعد ابص عيلت تدمع وعين تضحك. يعني ادعه عليه فقلت بس هو ربنا بيختبرني. قلت ولا هاممني - 00:29:32

ورحت جايب واحد تاني اخوه من نفس المحل يقول والله اسرقوا وقلت لأ بقى خلاص رحت جايب شبشب عادي عمره ما انسى. فقلت بس بقى هي المشكلة ما لهاش علاقة بالطاعة والمعصية. هو له علاقة بايه - 00:29:50

ان انت اللي بتشاور للجماعة دول بالحاجة دي. الخلاصة انك ممكن تيجي تمر عليك اوقدات بتتلن ولسه سلمان الفارسي هيحصل له اربع مطبات قبل ما يقابل اي واحد مننا لو اتحطت في المواقف دي الا من رحم ربى هيرجع. عملوا فيه موقف شديد جدا - 00:30:07

وسلموه وضحكوا عليه وخدعواه. عملوا ايه؟ يعرفوا بكرة ان شاء الله بقى. ونكمي ان شاء الله بكرة نكمي قصته ونقول العشر حاجات اللي قابلته في حياته. واذا ينتصر عليها لما كان همه الآخرة. وتنت بقى تقارن بينك وبينه وتشوف انت فعلًا قريب منه ولا - 00:30:27

بعيد عنه. فاسأل الله سبحانه وتعالى ان يحرثنا واياكم معه النبي صلى الله عليه وسلم. اقول قولي هذا واستغفر الله لي ولكلم - 00:30:47